

欽定滿洲源流考卷六

部族 六

渤海

唐

舊唐書渤海靺鞨大祚榮者始居營州萬歲
通天年契丹李盡忠叛祚榮與靺鞨乞四比
羽各東奔保阻以自固盡忠既死則天命右
玉鈐衛大將軍李楷固率兵討其餘黨先破
乞四比羽又度天門嶺以迫祚榮祚榮合高

欽定滿洲源流考

卷六

部族

一

麗靺鞨之衆以拒楷固王師大敗楷固脫身
還屬契丹及奚盡降突厥道路阻絕則天不
能討祚榮遂率其衆東保桂婁新唐書作挹婁之故

地據東牟山築城以居之祚榮驍勇善用兵
靺鞨之衆及高麗餘燼稍稍歸之聖曆中自

立爲振

通考作震

國王遣使通於突厥其地在營

州東二千里南與新羅相接東北至黑水靺
鞨地方二千里編戶十餘萬勝兵數萬人中
宗卽位遣侍御史張行岌往招之祚榮遣子

入侍將加册立會契丹與突厥連歲入邊使
命不達先天二年遣郎將崔訢往册拜祚榮
爲左驍衛員外大將軍渤海郡王仍以其所
統爲忽汗州加授忽汗州都督開元七年祚
榮卒册立其嫡子桂婁郡王大武藝十四年
黑水靺鞨遣使來朝詔以其地爲黑水州置
長史武藝謂其屬曰黑水途經我境今始與
唐家相通舊請突厥吐屯皆卽知同去今不
計會卽請漢官必是與唐家通謀腹背攻我

欽定滿洲源流考

卷六

部族

二

也遣母弟大門藝及其舅任雅

新唐書通考
皆作任雅相

發兵以擊黑水門藝曾充質子至京師開元
初還國至是謂武藝曰黑水請唐家官吏卽
欲擊之是背唐也昔高麗全盛時強兵三十
餘萬唐兵一臨掃地俱盡今日渤海之衆數
倍少於高麗事必不可武藝不從門藝兵至
境又上書固諫武藝怒遣從兄大壹夏代統
兵徵門藝欲殺之門藝遂棄其衆間道來奔
詔授左驍衛將軍武藝上表極言門藝罪狀

請殺之上密遣門藝往安西報武藝云門藝遠來歸投義不可殺今流向嶺南乃留其使馬文軌葱勿雅別遣使報之俄有洩其事者武藝又上書云大國示人以信豈有欺誑之理今聞門藝不向嶺南請依前殺却帝遣門藝暫向嶺南以報之二十年武藝遣其將張文休率海賊攻登州詔門藝往幽州徵兵以討之仍令太僕員外卿金思蘭發新羅兵以攻其南境屬寒凍雪深丈餘兵士死者過半

欽定滿洲源流考

卷六

部族

三

無功而還武藝懷怨不已密遣使至東都假刺客刺門藝於天津橋南門藝格之不死詔捕獲其賊盡殺之二十五年武藝卒子欽茂嗣立

〔新唐書渤海本粟末靺鞨姓大氏高麗滅率衆保挹婁之東牟山地直營州東二千里南北新羅以泥河爲境東窮海西契丹築城郭以居萬歲通天中有舍利乞乞仲象者與乞四比羽東度遼水保太白山之東北武后封

乞四比羽爲許國公乞乞仲象爲震國公不受命李楷固擊殺比羽是時仲象已死其子祚榮敗楷固兵乃自號震國王地方五千里盡得夫餘沃沮弁韓朝鮮海北諸國先天中拜爲左驍衛大將軍渤海郡王自是始去靺鞨號專稱渤海祚榮卒其國諡爲高王子武藝立斥大土宇東北諸國畏臣之改年曰仁安卒諡武王子欽茂立改年大興天寶末欽茂徙上京直舊國三百里忽汗河之東卒諡

欽定滿洲源流考

卷六

部族

四

文王子宏臨早卒族弟元義立一歲國人殺之推宏臨子華璵爲王復還上京改年中興卒諡成王欽茂少子嵩鄰舊唐書作璘立改年正

歷諡康王子元瑜立改年永德諡定王弟言義立改年朱雀諡僖王弟明忠立改年太始立一歲卒諡簡王從父仁秀立改年建興其四世祖野勃案野勃當爲伊伯之轉音滿洲語令進也祚榮弟也

仁秀頗能討伐海北諸部開大境宇有功卒諡宣王子新德早卒孫彝震立改年咸和卒

弟虔晃立虔晃卒元錫立初其王數遣諸生
詣京師太學習識古今制度至是遂爲海東
盛國地有五京十五府六十二州以肅慎故
地爲上京曰龍泉府領龍湖渤三州其南爲
中京曰顯德府領盧顯鐵湯榮興六州濊故
地爲東京曰龍原府亦曰柵城府領慶鹽穆
賀四州沃沮故地爲南京曰南海府領沃晴
椒三州高麗故地爲西京曰鴨綠府領神桓
豐正四州曰長領府

案遼史作長嶺古字相通考今吉林烏拉城西

欽定滿洲源流考

卷六

部族

五

南五百里有山名長嶺子滿洲語謂之果勒
敏珠敦南接納嶺窩集北接庫呼訥窩集自
長白山南一嶺環繞至此綿亘不絕爲
衆水分流之地渤海府名當取諸此領瑕

河二州夫餘故地爲夫餘府常屯勁兵扞契
丹領扶仙二州鄭頡府領鄭高二州挹婁故
地爲定理府領定潘遼志作潘當係此誤二州安邊府
領安瓊二州率賓故地爲率賓府領華益建
三州拂涅故地爲東平府領伊蒙陀通考作陀黑
比五州鐵利故地爲鐵利府領廣汾蒲海義
歸六州越喜故地爲懷遠府領達越懷紀富

美福邪芝九州安遠府領寧郿慕常四州又
郢銅涑三州爲獨奏州涑州以其近涑沫江
蓋所謂粟末水也後府州並詳幽州節度府與
相聘問自營平距京師蓋八千里而遠後朝
貢至否史家失傳唐考册府元龜渤海朝貢在
唐時至會昌間止今詳於
後

册府元龜唐元宗先天二年二月封靺鞨大
祚榮爲渤海郡王祚榮聖歷中自立爲振國
王在營州東二千里兵數萬人至是遣郎將

欽定滿洲源流考

卷六

部族

六

崔訢往册命祚榮左驍衛員外大將軍渤海
郡王仍以其所統爲忽汗州都督自是每歲
遣使朝貢開元七年祚榮卒遣使弔祭立其
嫡子桂婁郡王大武藝襲爲左驍衛大將軍
渤海郡王忽汗州都督八年六月册武藝嫡
男大都利行爲桂婁郡王二十年武藝卒其
子大欽茂嗣立二十一年渤海靺鞨越海來
侵登萊殺刺史韋俊詔新羅王金興光發兵
伐之貞元十一年二月令內常侍殷志瞻往

渤海册大嵩璘爲郡王嵩璘欽茂之子也十四年三月加大嵩璘銀青光祿大夫檢校司空册爲渤海國王依前忽汗州都督嵩璘父欽茂以開元間襲郡王都督左金吾大將軍天寶中累加特進太子詹事賓客寶應元年進封國王大歷中又累拜司空太尉及嵩璘嗣位時但授其郡王將軍嵩璘遣使敘理更加册命焉貞元二十一年復加金紫光祿大夫檢校司徒元和元年加檢校太尉四年嵩

欽定滿洲源流考

卷六

部族

七

璘卒册男元瑜爲銀青光祿大夫檢校秘書監充忽汗州都督渤海國王八年元瑜卒以其長弟權知國務言義襲十三年以知渤海國務大仁秀爲國王十五年加仁秀金紫光祿大夫檢校司空太和五年以權知國務大彝震襲爲國王

册府元龜唐開元九年渤海大首領來朝十年遣其大臣味勃訃來朝授大將軍十二年遣其臣賀祚慶來賀正旦十三年遣首領烏

借支蒙來賀正首領謁德來朝授果毅王弟
大昌勃價來朝授左威衛將軍留宿衛十四
年渤海王子大都利行原文作渤海王大
利考之史傳渤海王
實未嘗郡王朝惟開元八年封王子大都利行
爲桂婁郡王蓋渤海之支郡下文亦稱宿衛
王子大都利行卒此來朝授左武衛大將軍
處係脫二字利行謹增

留宿衛王子義信來朝十五年大昌勃價還
國封襄平縣開國男王弟大寶方來朝十六
年宿衛王子大都利行卒贈特進令有司護
歸國首領菸夫須來朝授折衝十七年獻鷹

欽定滿洲源流考

卷六

部族

八

及鯔魚王弟大胡雅來朝授遊擊將軍留宿
衛王弟大琳來朝授中郎將留宿衛十八年
王弟大郎雅來賀正大首領遣使知蒙獻馬
三十匹烏那達初案烏氏爲渤海大姓那達
初以滿洲語考之當爲納
丹珠之來獻海豹皮五貂鼠皮五瑪瑙杯一
轉音也

馬三十四十九年國王遣大姓取珍等百二
十人來朝二十三年王弟蕃來朝冊府元龜
褒異門作

授蕃太子舍人二十四年並載二十五年首領木智蒙公伯

計等來獻鷹鶻二十六年獻豹鼠皮千張乾

文魚百口二十七年王弟大勗進來朝宴於
內殿授左武衛大將軍留宿衛十月使其臣
受福子福一作優來謝二十九年遣失阿利來
朝天寶二年王弟蕃來朝留宿衛自天寶迄
大歷一歲皆二三至建中元年三年並來朝
貞元七年以賀正使太常靖爲衛尉卿王子
大貞幹來宿衛十年以來朝王子大清允爲
右衛將軍十四年以王姪大能信爲中郎將
元和元年二年四年並遣使二年進奉端午

欽定滿洲源流考

卷六

部族

九

使楊光信逃歸榆關吏執以至五年遣其臣
高才南及其子大延眞來朝七年御麟德殿
宴使臣賜官告三十五通衣各一襲八年遣
辛文德等九十七人九年遣高禮進等三十
七人大孝眞等五十九人來朝十年賜使者
茆貞壽大呂慶等告遣王子大庭俊等一百
一人來朝十一年授使人高宿滿等官十二
年十三年十五年長慶二年四年寶曆元年
二年太和元年三年五年並遣使朝貢六年

遣王子大明俊來朝七年遣同中書右平章事高賞英謝冊命開成元年遣于子大明俊來朝淄青節度使奏渤海將到熟銅請不禁斷四年遣王子大延廣來朝會昌六年遣使來朝

五代

〔五代史〕渤海本號靺鞨唐高宗滅高麗徙其人散處中國置安東都護於平壤以統之武后時契丹攻北邊高麗別種大乞乞仲象與

欽定滿洲源流考

卷六

部族

十

靺鞨長乞四比羽走遼東分王高麗故地武后遣將擊殺乞四比羽而乞乞仲象亦病卒仲象子祚榮立因并有比羽之衆其衆四十萬人據挹婁臣於唐中宗時以爲忽汗州都督封渤海郡王其後世遂號渤海其貴族姓大氏開平元年國王大諲譔遣使者來訖顯德常來朝貢國土物產與高麗同諲譔世次立卒史失其紀

〔五代史〕契丹附錄契丹欲攻中國患渤海等

在其後欲擊渤海懼中國乘其虛乃遣使聘唐以通好明宗遣供奉官姚坤至西樓契丹主方東攻渤海坤追至慎州見之契丹主曰昨聞中國亂欲以甲馬五萬往助我兒而渤海未除志願不遂因攻渤海取夫餘一城以爲東丹國

通考與此同

舊五代史出榆關行砂磧中七八日至錦州又五六日過海北州又行十餘日渡遼水至渤海國鐵州又行七八日至南海府天成元

欽定滿洲源流考

卷六

部族

十一

年十一月青州霍彥威奏得登州狀申契丹先發諸部攻逼渤海自契丹主卒雖已抽退尚留兵馬在夫餘城今渤海王弟部領兵士攻圍夫餘城契丹

通鑑同光二年契丹擊渤海之遼東無功而還天成元年復擊渤海七月拔夫餘城

宋史渤海併有夫餘肅慎等十餘國歷唐梁後唐朝貢不絕後唐天成初爲契丹攻夫餘城下之改夫餘爲東丹府命其子托雲

舊作突欲

留兵鎮之契丹主卒渤海王復攻夫餘不能
克歷長興清泰遣使朝貢周顯德初其豪崔
烏斯等三十人來歸其後隔絕不復通

宋會要與

此同 蘇之訛 案烏斯當爲烏 蒙古語水也

冊府元龜梁開平元年五月渤海王子大昭
順貢海東物產三年三月渤海王大諲譔遣
其相大誠諤朝貢進人口及貂皮熊皮等乾
化元年遣使來賀二年五月遣王子大光贊
進方物後唐同光二年正月遣王子大禹謨

欽定滿洲源流考

卷六

部族

十二

五月遣其姪元讓並來朝貢三年使臣裴璆
貢人參松子昆布黃明細布貂鼠被一褥六
髮靴革奴子二拜右贊善大夫天成元年四
月遣使大陳林等百十六人進兒口女口三
及人參昆布白附子虎皮等七月使人大昭
佐等六人朝貢十一月青州奏契丹先發諸
部攻渤海自契丹主卒雖已抽退尚留兵夫
餘城今渤海王弟部領兵士攻圍夫餘四年
渤海遣使高正詞貢方物長興元年正月青

州奏差人押渤海王憲一行歸本國被黑水
剽劫今得黑水兀兒狀及將印紙一張進呈
二年使人文成角來朝貢三年正月遣使來
朝應順二年十一月遣使列周義入貢唐案後
五代應順改元止三月即為潞王清泰元年考
帝應順載清泰二年渤海遣使者來是應順
當係清泰之誤

通考後唐同光二年渤海王遣姪學堂親衛

大元讓

原本謙

宋濮王允讓諱

改來朝授

原本

冊脫三字今據

試國子監丞三年及天成元年

冊府元龜補

欽定滿洲源流考

卷六

部族

十三

俱遣使入貢先是契丹太祖兵力雄盛東北
諸國多臣屬之以渤海土地相接常有吞併
之意是歲率諸部攻渤海夫餘城下之改夫
餘城為東丹府命其子托雲鎮之未幾安巴
堅舊作阿保死命其弟率兵攻夫餘城不克
而還四年及長興二年三年四年清泰二年
三年俱遣使貢方物周顯德元年渤海國烏
思羅等三十人歸化其後隔絕不通

宋

宋史太平興國四年太宗平晉陽移兵幽州
渤海首領大鸞河率小校李勛等十六人部
族三百騎來歸以鸞河爲渤海都指揮使六
年賜烏舍城浮渝府渤海瑋府王詔令助攻
契丹九年春宴大明殿召鸞河慰撫久之謂
殿前都校劉延翰曰俟高秋戒候當與駿馬
數十匹令出郊遊獵以遂其性因以緡錢十
萬併酒賜之

案渤海無浮渝府當即夫餘府音近而訛

宋會要太平興國六年賜渤海烏舍城清渝

欽定滿洲源流考

卷六

部族

十四

府

宋史作浮渝府

渤海瑋府王詔曰聞爾國爰從前

代本是大藩近年以來頗爲契丹所制宜盡
率部族來應王師朔漠之外悉以相與渤海
大國近來服役於契丹至是將發師大舉故
先告諭俾爲應也淳化二年以渤海不通朝
貢令女眞發兵攻之凡斬一級給絹五匹徽
宗政和八年五月臣僚言登州與渤海相望
熙寧中巡檢每季下北海馳基島駐劄以馳
基石爲界自北朝通好不曾根理深慮渤海

相近作過則駝基寨孤立乞以末島嗚呼島
爲界併欽島添置卓望兵令戍守往來巡邏
詔令指畫聞奏不得希功生事

通考定安國宋開寶三年遣使入朝太平興
國中詔其國張犄角之勢同伐契丹六年冬
遣使上表云定安國王烏元明言臣本高麗
舊壤渤海遺黎保據方隅涉歷星紀頃歲契
丹入侵境土攻破城寨俘掠人民臣祖考守
節不降與衆避地僅存生聚以迄於今而又

欽定滿洲源流考

卷六

部族

十五

夫餘府昨背契丹並歸本國災禍將至無大
於斯所宜率兵助討必欲報敵其末題云元
興六年十月日上答以詔書令其協力同伐
契丹端拱二年其王子獻馬及雕羽鳴鏞淳
化二年王子大元上表後不復至

按烏氏爲渤海著姓

詳表中所敘當係渤海舊臣保守方隅不肯降遼者高麗舊壤在渤海爲鴨淥府夫餘復

歸事遼史未載

采薛暎記渡潢水石橋旁有饒州唐於契丹
嘗置饒樂今渤海人居之

遼

〔遼史〕本紀太祖神冊二年渤海遣使來貢四年修遼陽故城以渤海戶實之天贊三年渤海殺遼州刺史張秀實而掠其民四年十二月親征大諲譔丁巳次商嶺夜圍夫餘府天顯元年正月庚申拔之丙寅命特哩袞舊作惕隱阿敦舊作端今改安前北府宰相蕭阿固齊舊作阿古等將萬騎為先鋒遇諲譔老相兵破之是夜大元帥耀庫濟舊作堯今改堯南府宰相蘇北

欽定滿洲源流考

卷六

部族

十六

院額爾奇木

舊作夷離

薩納齊

舊作斜涅

南

院額爾奇木迪里

舊作迭里今改迭

圍忽汗城辛未諲

譔率僚屬三百餘人出降上優禮而釋之甲

戌詔諭渤海郡縣丙子遣近侍康末怛等十

三人入城索兵器為邏卒所害諲譔復叛攻

其城破之駕幸城中諲譔請罪馬前詔以兵

衛諲譔及族屬出帝還軍中二月安邊鄭頡

南海定理等府泊諸道節度刺史來朝慰勞

遣之甲午復幸忽汗城改城名天福改渤海

國爲東丹册皇太子貝爲人皇王以主之以

皇弟塔喇

舊作迭
刺今改

爲左大相渤海老相爲右

大相渤海司徒大素賢爲左次相耶律伊濟

舊作羽
今改

爲右次相赦其國內三月遣額爾奇

木康默記等攻長嶺

唐書通考
俱作領

府己巳安邊

鄭頡定理三府叛遣阿敦討平之乙酉以大

諲譔舉族行五月南海定理二府復叛大元

帥耀庫濟討之七月鐵州刺史衛鈞反耀庫

濟攻拔之八月康默記等攻下長嶺府耀庫

欽定滿洲源流考

卷六

部族

十七

濟討平諸州太宗天顯三年遷東丹

卽夫餘城

民

以實東平其民或亡入新羅女眞五年以渤

海戶賜皇弟拉呼

舊作李
胡今改

聖宗統和四年涿

州之役渤海小校貫海等叛入於宋十四年

渤海雅必

舊作燕
頗今改

等侵鐵驪遣奚王和碩努

等討之不克削和碩努官二十一年四月渤

海部遣使來貢聖宗開泰八年置東京渤海

承奉官都知押班遷寧州渤海戶於遼土二

河之間太平八年以渤海宰相羅漢權東京

統軍使九年八月東京實里舊利今改舍軍詳袞

舊穩今改詳大延琳囚留守駙馬蕭孝克及南陽

公主殺戶部使韓紹勳等卽位號其國爲興

遼年爲天慶延琳先與副留守王道平謀道

平夜踰城與延琳所遣召黃龍府黃翩者俱

至行在告變上卽徵兵進討時蕭丕勒廸舊作

匹敵今改治近延琳先率兵據其要害絕其西渡

之計渤海太保夏行美先戍保州延琳密馳

書使圖統帥耶律布爾古舊古今改蒲行美反以

欽定滿洲源流考

卷六

部族

十八

實告布爾古遂殺渤海兵八百人而斷其東
路延琳知黃龍保州皆不附遂分兵西取瀋
州節度副使張傑聲言欲降故不急攻及知
其詐而已有備攻之不克而還時南北女真
皆從延琳及諸道兵皆至延琳嬰城固守命
燕王蕭孝穆等攻之十年八月延琳將楊祥
世夜開南門納遼軍擒延琳渤海平詔渤海
舊族有勲勞材力者敘用餘分居來隰遷閏
等州天祚帝天慶五年二月饒州渤海古裕

欲舊作古等自稱大王以蕭色佛呼舊作謝佛

等討之為古裕所敗以南面副部署蕭圖斯

哈舊作陶蘇為都統赴之五月及古裕戰敗

績丙辰獲古裕等六年正月朔東京裨將渤

海高永昌稱隆基元年閏月貴德州守將耶

律伊都舊作余以廣州渤海附永昌二月張

嘉努誘饒州渤海攻陷高州三月饒州平五

月金軍破東京擒高永昌七月春州渤海叛

尋降

欽定滿洲源流考

卷六

部族

十九

續通考遼太祖嘗親征渤海大誣譟拔夫餘

府誅其守將遂圍忽汗攻破其城詔以兵衛

誣譟及族屬以出改渤海為東丹忽汗城為

天福册皇子貝為人皇王以居之衛送大誣

譟於皇都西域名誣譟曰烏爾古舊作烏魯

妻曰阿勒扎舊作阿里改夫餘府為黃龍府

世為遼重鎮

〔遼史〕營衛志太祖宏義宮以心腹之衛置益

以渤海戶永興宮以太祖平渤海俘戶等置

敦睦宮以渤海建瀋巖三州戶置

〔遼史〕兵衛志天顯元年滅渤海國地方五千里兵數十萬五京十五府六十二州盡有其衆契丹益大遼國兵制詔諸道徵兵惟南北奚王東京渤海兵馬雖奉詔未敢發兵必以聞上遣大將持金魚符合然後行遼東爲渤海故國太祖以其地建南京遼陽府統縣六轄軍府州城二十六有丁四萬一千四百

欽定滿洲源流考

卷六

部族

二十

有三東京道遼陽府本朝鮮之地後爲渤海大氏所有併吞海北地方五千里兵數十萬

金

〔金史〕粟末靺鞨始附高麗姓大氏李勣破高麗粟末靺鞨保東牟山後爲渤海稱王傳十餘世有五京十五府六十二州太祖二年執寧江州渤海大嘉努次扎錫舊作札水遇渤海軍攻我左翼七穆昆舊作謀衆少却敵兵直犯中軍太祖射耶律色錫舊作謝死敵大

奔十月召渤海梁福烏達喇

舊刺今改幹答

使僞

亡去招諭其鄉人曰女真渤海本同一家我興師伐罪不濫及無辜也收國二年詔渤海諸部官民已降或爲軍所俘獲逃遁而還者勿以爲罪其酋長仍官之且使從宜居處太宗天會四年命貝勒舊作李大臭以所領渤海軍八明安舊作猛爲萬戶

〔松漠紀聞〕渤海國去燕京及女真所都皆千五百里以石壘城脚東並海其王以大爲姓

欽定滿洲源流考

卷六

部族二十一

右姓曰高張楊竇烏李不過數種部曲奴婢無姓皆從其主男子多智謀驍勇出他國右至有三人渤海當一虎之語契丹太祖滅其王大譴譟徙其名帳千餘戶于燕給以田疇蠲其賦入往來貿易關市皆不征有戰則用爲前驅天祚之亂聚族立姓大者於舊國爲王金人討之軍未至其貴族高氏棄家來降言其虛實城遂陷契丹所遷民益蕃至五千餘戶勝兵可三萬金人慮其難制頻年轉戍

山東每徙不過數百家至辛酉歲盡驅以行其居渤海故地者仍契丹舊爲東京置留守有蘇扶等州蘇與中國青州登州相直契丹東丹王封於此自蘇乘筏浮海歸後唐遼東行部誌瀋州在唐時嘗爲高麗侵據唐季不能勤遠爲大氏所有傳國十餘世當五代時契丹與渤海血戰數十年竟滅其國于是遼東之地盡入于遼

謹案渤海處黑水靺鞨之南實靺鞨之粟末

欽定滿洲源流考

卷六

部族

二十二

部也南併百濟北兼黑水幅員五千里在東方最爲大國大氏自唐則天時建國迄於後唐歷二百餘年官府制度燦然大備其世次傳受及使命往來史皆詳述惟是遼紀稱天顯元年太祖破忽汗城獲王大諲譔遂併其地改渤海爲東丹國而諸書皆云取夫餘一城以封托雲太祖旣崩渤海王復攻夫餘不能克似諲譔尚在而宋太宗時有賜渤海瑗府王之詔徽宗時登州有置戍巡防渤海之

奏似其國至北宋末猶存考之薛史及冊府元龜譚譔既俘統兵攻夫餘城者爲王之弟卽遼紀所載渤海諸州爲遼攻得者惟忽汗城及西南二京南京止南海一府西京未得者尚有東平安遠等六府其東北之境並未屬遼卽長嶺南海鄭頡定理諸府亦屢平屢叛聖宗十四年紀云渤海侵鐵驪遣奚王討之不能克二十一年紀云渤海來貢是忽汗破後壤地與遼相接者雖已入遼而國人收

欽定滿洲源流考

卷六

部族

二十三

合餘部別自立王故五代史宋史宋會要通鑑通考皆謂止取夫餘一城也冊府元龜又有後唐遣人送渤海王憲歸國之文憲必王之子弟留中國者長興清泰間使命往來則仍世君其國可知第爲遼所隔石晉又臣遼遂不復至耳至五京十五府六十二州之名詳見新唐書而州止六十考遼志東京道有崇集麓三州皆渤海所置而唐書不載又蓋州亦渤海置而唐書止載益州蓋本高麗之

蓋牟城在今蓋平境益州爲率賓故地實係二州則渤海州名固不止六十有二矣遼史又云唐元和時渤海王大仁秀南定新羅北畧諸部開置郡邑其見於志者若龍河會農吉理杉盧沸流鐵利安定銅山安寧諸郡若銀州之改爲富州蓋州之改爲辰州皆唐書所未及也王都忽汗城因河得名以地理及音譯考之當卽今呼爾哈河河源出吉林烏拉界會畢爾騰湖東流經故會寧城北又九

欽定滿洲源流考

卷六

部族

二十四

十餘里繞寧古塔城南北流七百里入混同江唐書云渤海上京在忽汗河之東爲肅慎故地新唐志云自安東都護府經蓋牟城又經渤海長嶺府千五百里至渤海王城城臨忽汗海其西南三十里有古肅慎城又曰自神州陸行四百里至顯州又正北如東四百里至渤海王城明一統志亦言金滅遼設都于渤海上京是忽汗城實與古肅慎城金會寧城相近俱在今寧古塔境其北卽黑水境

遼史以遼陽當之失之遠矣其餘府州多在
今吉林烏拉寧古塔及朝鮮界疆並域詳後遼既
未能全併渤海以所俘獲散置他處多取渤
海州邑之名以名之亦猶黔潭嚴廣蘇潤松
江諸州之在遼耳又若大延琳之志恢宗國
烏元明之守節不降割據頻興迄于天祚之
世金太祖以本屬一家遣人招諭松漠紀聞
謂智謀驍勇出他國右至有三人渤海當一
虎之語不信然哉

欽定滿洲源流考

卷六

部族
二十五

欽定滿洲源流考卷六